

La doturia Grete Mahlknecht é demez en jöbia y en vëndres, ai 7 y 8 de merz, y vëgn sostituida dal dotur Aldo Marcocci 0473 501 477 / 338 72 80 518.

Mudaziun dl orar: Le dotur Aldo Marcocci tëgn en dedolönesc, ai 5 de merz, l'orar d'ambulatory danmisdé dales 7.45 ales 11.15, impede domisdé.

La junta de comun inviará ia ai pröms d'auri y ai pröms de novëmber 2019 i proscimi pacli de mudaziuns dl plann urbanistich communal. Porchël pól gní deponü domandes de mudaziun cina ai 29 de merz resp. cina ai 31 d'otober tl ofize tecnich de comun. Domandes nia completes ne podará nia gní azetades.

Aldiënza dla defensuria zivica G. Morandell o de súa colauradëssa Verena Crazzolará, en vëndres, ai 8 de merz dales 14.30 – 16.00, a San Martin tla Ciasa de comun. Info y prenotaziuns 0471 946 020.

Les iscriziuns ala Scora de musiga por l'ann de scora 2019/20 vëgn tutes sö döt le mëis cina ai 29 de merz. I formulars é da ciáfë tl secretariat dla Scora de Musiga a La Ila o sot a www.musikschule.it Por informaziuns 0471 847 748.

Consulënza sura le marcé y le monn dl laur en jöbia, ai 7 de merz, dales 16.00 ales 18.00 tl Sorvisc ai Jogn a Picolin cun l'espert Giorgio Costabiei por düc i jogn, geniturs y interessá. Al vëgn dé informaziuns sön posc de laur tla Val Badia por stüdc, formes de paiamënt, laurs o practicums d'isté, concursc y candidatöres, assiguraziun y i.i.. An n'á nia bria da se prenoté.

PLOANIES SAN MARTIN Y LUNGIARÜ

Cërtil dla Bibla: Vigni lönesc (ater co lönesc 11/03 che vëgn sposté a dedolönesc 12/03, por gauja dla sentada dl'Unité Pastoralá), dales 20.00, tëgn le ploan n cërtil dla Bibla te calonia. Inviá a tó pert é jënt che ó fá n tru deboriada cun la Bibla ala man. Inviá é ince chi da Lungiarü. Al me fej playjë sc'al n'é tröc.

Le KVV dla Val Badia organisëia n iade de peregrinaje de 4 dis tl Piemont y tla Lombardia a vijité i "Monti Sacri" de Oropa, Varallo, Orta y Varese dai 6 ai 9 de ma. Le iade costa 500 €. Prenotaziuns tol sö cina ch'al é lerch Iaco Clement (tel. 0471/839772 o 339 62 57 779 o iaco_clement@libero.it). La prenotaziun vel do le paiamënt dl prisc sön le cunt IT 11 J 08010 58180 000302017300 Cassa Raiffeisen. Por avëi le program plü avisa telefonede al nr. o e-mail dá dant dessura. Al nes accompagna siur Degan y siur Franzl.

SAN MARTIN

Ince por l'ann 2019 Ves periunse indô dër bel da paié ite cina ala fin de merz le contribut por la cöra de 40,00 € por vigni porsona che á complí 18 agn (tuc fora studënc y studëntes) söl cunt dla cöra: IBAN IT 11 J 08010 58830 000304004922. Tl'injunta ciáfëise le decunt dl 2018.

Vigni pröma domënia dl mëis dai 3 de merz cina ala fin dla ann é dan mëssa la corona por vocaziuns religioses cun i misters che é tla plata "rëi de oraziun" Vigni dedemesaledema de Carsëma, é dales 18.00 les Staziuns te dljia.

En sofraje dla defunta Paola Gasser Bioc é gnü fat ofertes por la dljia da fam. Pio y Margareth dl Tasser y da fam. Pepi y Romy Dejaco. Bel dilan!

Le Zenter Families Mareo inviëia al curs de yoga por umes che aspeta. An s'incunta 5 iadi, pian ia dai 11/03 dales 18.30 ales 19.45 tla scora elementara d'Al Plan. Por prenotaziuns y informaziuns tel 338 71 73 577.



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

03.03. – 10.03.19 nr. 14

ultimo termo por comunicaziuns: jöbia dales 20.00
radio: 90,40 / 93,70

8^a DOMÈNIA IA POR L'ANN C

Vangele do Lüca 6,39-45

Te chël tēmp à Gejù dit a sü discepui:
Sciafia pa n verc da menè n verc?
Ne tomarai mo nia trami te na büja?
Le scolar n'è nia sura so maester;
vignun che à imparè döt cant
sarà mâ sciöche so maester.
Ciodi vëigheste pa l'agüz tl edl de to fre,
mo dla trè te to edl ne t'un intëneste nia?
Cò sciàfieste pa da ti di a to fre:
Fre, làscome trà l'agüz fora de to edl!,
deperpo che instës ne vëigheste nia la trè te to edl?
Tö falzun! Tira naöta la trè fora de to edl;
spo poste porvè da trà fora l'agüz fora dl edl de to fre.



Al é deplü sorts de vercité:

I pó ester verc y ne odëi nia ite, ch'i vëighi ma i fai di atri y ch'i i chiri cinamai.

Chësc m'intossiëia y me rovina la vita.

Tan plü lominus ch'al foss sc'i odess, ci che i atri sá da fá bun y ci che ti garetá.

Al é ince chë vercité che ne me lascia nia odëi ite mi fai;

y de chësta baia Gejü tl vangele da incö.

*Mo spo éi ciamó na vercité, chëra che ne me lascia nia odëi la poscibilité
ch'i pó vire atramënter.*

„I sun mefo insciö!“ – chësta constataziun é propi vercité.

Nou, i pó ince ester atramënter.

Che n lëgn sciafia da porté ma de bugn o ma de stlec früc, ne crëii nia.

I arati che te me éi trames les poscibilités.

*Ne crëie nia che Chël Bel Dî me pordona mi fai
y ch'al ne me dá nia la poscibilité y l'aiüt da mëte man danü:
chësta é la maiü vercité.*

*Insciö é Carsëma le tēmp da mioré mia odüda
y da me daurí ales poscibilités de Dî te mia vita. (M.T.)*

	SAN MARTIN	LUNGIARÜ	 Nosta fede é sciöche cènder Signur, nosta fede é sciöche cènder: ciöbia y sflaussia. Nosta speranza é sciöche cènder: lisira y soflada demez dal vënt. Nosta ciaradöra é sciöche cènder: grija y destodada. Nostes mans é sciöche cènder: tan da stöp! Nosta comunité é sciöche cènder: tan sfrogorosa! Signur, nosc Dî, i te dijun dilan de chësc tru de caranta dis che te nes deures y i te periun do le sofl de to Spirit ch'al fejes indô verde sô so fûch che coa sot nosc cènder ite.  I periun do l'intenziun dl Papa tl mëis de merz! I periun por les comunités cristianes, dantadöt por chères che vëgn porseghitades, ch'ares se sintes dlungia Gejú Crist y ch'ares vëgnes respetades te sü dèrc.
03.03.19 8ª DOMÈNIA - Ann C	9.00 Corona por vocaziuns 9.30 GRAN MËSSA dla Comunité intenz. por + siur Richard Sottara	7.55 Corona 8.15 GRAN MËSSA dla Comunité + + siur Sepl y suor Agata Clara	
04.03.19 Lönesc <i>Adrian, Teofil</i>	20.00 Introduziun al cèrtl dla Bibla te calonia a San Martin	20.00 Introduziun al cèrtl dla Bibla te calonia a San Martin	
05.03.19 Dedolönesc <i>Oliva, Dietmar</i>	15.30 Mëssa a Picolin en onur de Sant Antone de rengraz. por fam. Oswald Dejaco + Alfred Videsott + Sepl Flöss, Anví		
06.03.19 Mercui – CAPIUN <i>al mët man la Carsëma</i>	15.30 Mëssa te Ciasa de Palsa cun imp. dl cènder 18.30 Mëssa de Capiun por la comunité cun imposiziun dl cènder	20.00 Mëssa de Capiun por la comunité cun imposiziun dl cènder + Pire Zingerle + + Teresa y Pasquale Wieser	
07.03.19 Jöbia <i>Perpetua y Felizita</i>	7.30 Mëssa + Erna Frenner por les Animes arbandonades + + Stefo y Richard Frenner Corona por vocaziuns		
08.03.19 Vëndres <i>Jan de Di, Michil</i>	18.30 Adoraziun chîta y confesciuns 19.00 Funziun de Carsëma	7.30 Mëssa fam. Sepl Clara, Sanví + + Maria y Paul Castlunger	
09.03.19 Sabeda <i>Bruno, Domenico Savio</i>	15.30 Mëssa tla Ciasa de Palsa 18.30 Mëssa pefestia fam. Pire Flöss families de Carmen Erlacher vis y def. fam. Pire Erlacher, Cheder dl ann + Giovanni Ferdigg, Ju	20.00 Mëssa pefestia dl ann + Magdalena Flatscher dl ann + Johanna Schanung dl ann + Angela Costa	
10.03.19 1ª DOMÈNIA DE CARSËMA - C	9.00 Les Staziuns 9.30 GRAN MËSSA dla Comunité	7.55 Les Staziuns 8.15 GRAN MËSSA dla Comunité	
Al vëgn mëtü dër a cör da dí les Staziuns inçe tles families. Ares é da ciafé tl liber SYN nr. 124-125 o tl liber Laldun l' Signur nr. 28-29; d'atres verjiuns por todësch o por talian é da ciafé te de pici libri aposta. Inçe te stüa dessel ester val'sëgn de Carsëma. - Te dlijia vëgn le crist stopé jö. Le Ploan			